

左文襄公奏疏

第一函
第十冊

左文襄公奏疏初編目錄

卷二十五

閩軍勦賊獲勝現籌辦情形摺

附陳湘軍索餉爭鬧情形片

浙省庫款支絀請免撥添協閩餉摺

擊賊獲勝各軍分道進剿摺

請將救援不力之將備革職拏問片

分路進剿大勝現籌辦情形摺

奏報克復鎮平縣城追剿獲勝情形摺

附陳鮑提督所部仍請由該員自爲主持片

覆陳查明侍逆已爲汪逆所殺情形片

陳請准將會道留閩俟補缺後送部片

克復武康等城暨截剿竄賊出力員弁請獎摺

請給楊臬司三代二品封典以示優獎片

請將助勦出力洋將給予加銜翎頂片

查明迭次打仗陣亡傷故員弁請議

卹片

左文襄公奏疏初編卷二十五

閩軍剿賊獲勝現籌辦理情形摺

同治四年七月二十三日

奏爲官軍剿賊獲勝現籌辦理情形恭摺馳奏仰祈

聖鑒事竊康國器一軍由嘉應州屬松源進駐

嵩山擊賊獲勝後六月初九日探知汪逆遣黨五六百人於棠海亭地方築卡冀阻官軍進攻之路康國器卽飭吳光亮林本康熊飛羅洪標熊應烈等乘夜疾進比抵賊卡甫轉四更官軍乘賊不意將火箭火彈一齊施放槍礮繼之羣賊驚潰官軍縱擊斃賊百餘名生擒十二名奪騾馬五匹旂幟器械二百餘件逆遁回鎮平去先是僞陪王譚富遣黨密赴康國器營輸款康國器令其潛圖汪逆旋因事洩譚富急率其黨五百餘乘間脫走赴廣東藩司李福泰營乞撫僞朝將莫恩亦率黨三百餘人投入康國器所部都司湯彪營中汪逆自譚富等脫走後猜疑日甚各路設卡派親信賊黨稽察並嗾靈營叛勇黃矮子等分踞鎮平西南四十里黃杭東西陂磁溪一帶均固匿不出二十七日康國器親督各營由高思一路前進七月初二日飭羅洪標熊應烈湯彪所部進紮距鎮平二十里程官垵初六日飭康熊飛吳光亮由左路進攻石坑排賊壘林本關鎮邦由右路進攻藍坊賊壘羅洪標熊應烈湯彪由程官垵進攻南坑頭賊壘康熊飛吳光亮甫抵石坑排該逆傾巢出拒康熊飛督哨弁羅魁康達等奮威衝擊吳光亮繼之轟擊逾時斃賊二十餘名賊仍死拒吳光亮密飭吳光忠分隊由間道抄出賊後兩面夾擊賊大潰乘勢攻破一

壘殺悍賊三十餘名生擒十二名餘賊適聚壘翻山而遁當將石坑排賊壘三座同時攻拔其藍坊之逆見官軍大隊馳至卽率衆來迎林本關鎮邦分路痛擊賊應槍倒者不計其數鏖戰十餘合賊勢不支紛退入壘適康熙飛吳光亮等將石坑排賊壘攻破各率所部轉戰而來林本關鎮邦遂麾令各勇四面攻擊林本首先破柵而入各勇繼之斃賊二百餘名生擒二十四名將藍坊賊壘破毀追至高拱橋聞南坑頭槍礮之聲不絕時羅洪標熊應烈湯彪逼攻南坑頭賊壘壘垂破矣適逆首何明亮率悍賊數千飛奔來援康熙飛吳光亮林本關鎮邦從山中橫出截之與羅洪標等併力夾擊立將南坑頭賊壘攻破斃守賊百餘名逆首何明亮猶執旂令羣賊拚死來衝官軍往來決盪十餘次愈戰愈奮賊勢不支紛紛棄械狂竄官軍追至鎮平東門十二里峯口村始收隊而還計是役斃賊一千數百名生擒二十餘名奪槍礮旂幟九百餘件官軍亦陣亡九名受傷二十一名是日汪逆自率死黨來分水坳一窺巖前一窺猪股峽均經高連陞黃少春擊退初八日康國器復督各勇分三路進剿康熙飛林本行抵南坑頭瞥見前面山岡賊旂密布逆首胡瞎子親率悍黨三萬餘結陣以待時吳光亮關鎮邦亦督勇馳至遂列於左右山脚以槍礮仰攻該逆死據山巔不退相持至午適前約降之僞天將李積曾務鄧伯才年進恆僞朝將陸鵬鄧成李香鄧金麥祖等率黨四千餘人內應焚自其壘衝出該逆後隊驚潰康熙飛林本乘勢搶上山巔督勇奮擊吳光亮關鎮邦等繼之逆首胡瞎子被創墜馬遁走各軍刀砍矛刺斃賊一千餘名追逼落崖

死者無算官軍追至距鎮平南門八里大雨傾注始行收隊計是役共斃賊二千數百名生擒百餘名奪驛馬二十餘匹旂幟器械一千一百餘件官軍陣亡十一名受傷二十四名此康國器一軍連獲大捷之實在情形也竊惟汪逆海洋竄伏鎮平縣城後因圖兼併待逆餘黨先鋤異己者以立威賊中猜怨益甚而粵賊則意在搶掠本非該逆死黨除僞東平王一股及翟火姑林正揚外各懷去逆效順之心汪逆所以頑踞鎮平未卽遠竄者亦慮羣情瓦解一動卽散耳然鎮平居粵閩嶺脊中巖谷幽險掠食維艱其勢斷難久踞現在康國器關鎮邦兩軍攻其東南距鎮平縣城不過二十里或十餘里高連陞黃少春劉清亮分紮武平邊境之巖前中赤下壩地在鎮平之北距鎮平縣城四十五里或三十餘里臣等又飭道員張恆祥率所部由上杭赴巖前替高連陞分紮巖前之軍回中赤以助下壩之防按察使王德榜率所部由上杭以趨象洞記名提督劉清亮率所部移駐盤龍岡皆以防爲勦其幫辦軍務劉典一軍駐汀州本擬爲江西之軍見在江西無賊暫移駐濯田出行隊以助武平如賊蹤竄向江西自當就近趨援江西以期兼顧以此時局勢而論鎮平東南及東面北面閩軍已互相聯絡長圍感賊之勢已成惟鎮平西路西南路可通興甯長樂龍川其地距閩較遠中隔賊氛必須粵軍自爲截剿非閩軍所能代爲之謀是固地勢限之也高連陞來牘述廣東藩司李福泰函稱花旗各賊竄踞龍川現催卓興先將花旗撲滅而後集龍長之師全力以規鎮平果能如其所擬則鎮平西路西南路竄蹤盡斷汪逆一股自可剋期剷除淨盡

但未知卓興果能任此俾粵軍閩軍同收夾擊之效否耳所有閩軍剿賊情形謹據實馳奏伏乞
上聖鑒訓示施行再此摺係臣宗棠主稿合併陳明謹 奏

軍機大臣奉 旨另有旨欽此

附陳湘軍索餉爭鬧情形片

同治四年七月二十三日

再臣欽奉同治四年六月二十一日 寄諭王開琳一軍新湘營既須整頓老湘營何以亦有索餉爭

鬧情事著左宗棠等迅速籌發該營餉項以固軍心孫長綬卽飭王開琳趕緊整飭隊伍刻日到防由贛
州一路督軍前進欽此伏查老湘營自咸豐十年隨臣宗棠剿賊陸續增至三千三百人先係保升總兵

王開琳管帶後王開琳丁憂告假臣宗棠委現任吉南贛甯道王文瑞管帶王文瑞假歸後仍委王開琳

接帶上年赴江西之援時王文瑞已任吉南贛甯道稟明撫臣沈葆楨增募勇丁四千名編爲新湘九營

其餉由江西籌給而營官哨長均由老湘分撥併歸王開琳統帶厥後隨同赴閩援剿名爲援閩實則爲

江西固圉計耳臣宗棠以江西既爲固圉計自應以防邊爲重其老湘之食浙餉者固與新湘同一統帶

之員不便分調故當汀漳龍戰事方亟時王開琳全軍僅由汀州至永定而止臣並未嘗他調也四月二

十二日永定獵射回之敗新湘六營老湘兩營俱陷宿將丁長勝死之爲臣軍從來未有之事究其致敗

之由則實因米糧匱乏軍士饑疲所致臣當飭解月餉令王開琳加意整理拔赴贛州以助江西之防王

開琳抵贛後稟老湘左翼營左營忽有索餉聚鬧情事並稱老勇口糧多者欠銀百餘兩少者亦欠八九

十兩臣查老湘營自咸豐十年成軍以來舊餉截至同治三年底止共止欠發銀八萬六千八百餘兩新

餉截至本年閏五月止共止欠發銀二萬四千餘兩計每勇一名均勻攤算實欠不過三十餘兩臣入閩

之初以閩餉罄竭諭各軍以浙江每月定協閩餉十四萬兩新餉可源源而來其舊餉均截算至同治三

年底止暫緩清給各軍知新餉旋來舊餉有著並無異詞本年正月曾附片奏明在案各軍同一支放章

程何以該老湘一軍忽敢譟索並稱積欠至八九十兩百兩之多旋查新湘各營月餉須二萬三四千兩

入閩以來江省每月多則僅解銀七千兩少則解銀五六千兩計每勇夫一名勻算每月僅止得銀一兩

上下較之老湘短絀懸殊又其時汀龍一帶米價騰踊斗米千錢尙無買處新營勇夫每日每名得銀不

過三分半餉尙憂不足王開琳因新勇饑潰不得不於老勇浙餉內挪墊勻給而老勇以己分應得之浙

餉爲新勇所分心懷不服宜其譟索隨之臣宗棠當卽嚴加批飭責令清釐旋據王開琳稟斬其倡首者

六人而事已定據稟已由贛州開赴安遠扼紮未聞有他大約江西續發新湘之餉其事始息也又據臬

司王德榜稟所部長左三營勇丁一千五百名舊隸江西食江西之餉上年在江曾捐舊欠餉銀十一箇

月自十月奏調援閩截至本年閏五月止僅領到江西餉銀二萬四千餘兩本年又欠發新餉銀四萬兩

王德榜疊次請領江省皆不發給長左三營幾致譁潰幸將所部閩餉通融勻給乃資敷衍竊惟江西各

軍食江餉而援閩者惟新湘營四千人長左營一千五百人而江西不隨時酌給致王開琳王德榜不得不挪閩浙之餉給之而王開琳所部食江西餉者又多於食浙餉者以浙餉勻給食江餉之勇夫挹彼注茲尤形不足則亦無怪食浙餉者之譁索矣現准江西護撫臣咨照王德榜所請以欠給長左三營餉三萬九千餘兩就近對撥王開琳所部老湘營臣擬卽以此劃給該軍舊餉而新餉仍按月照發此後自可無事惟是譁索之端一開士氣已囂然不靖如江西之餉必譁索而後可得則各軍保無效尤而起者乎雲營叛勇何嘗非有功江西之人祇因積欠過多有所藉口遂致決裂不可收拾厥後婁雲慶一軍入閩數月僅得餉二萬兩並向領食米亦概停不發迨軍中大譁擁至贛州而後江西乃發餉銀七萬兩夫使知士卒因饑而譁之不可禁也則曷若以此七萬之餉先勻給之而必俟其譁索而後發乎臣觀各省近時籌餉用餉情形實不免鯁鯁過慮不禁煩瑣陳之伏乞 皇上聖鑒謹 奏

軍機大臣奉 旨另有旨欽此

軍機大臣 字寄閩浙總督一等恪靖伯左宗棠廣州將軍兼署兩廣總督瑞麟福建巡撫徐宗幹江西巡撫劉坤一署廣東巡撫郭嵩燾傳諭護理江西巡撫布政使孫長綬同治四年八月十五日奉 上諭左宗棠徐宗幹奏閩軍勦賊獲勝一摺康國器一軍進勦鎮平賊匪疊破石坑排藍坊南坑頭等處逆壘共斃賊三千餘名勦辦甚爲得手汪逆竄伏鎮平疊經閩粵各軍圍逼勢孤力竭其勢斷難久踞惟窮

極思竄自在意中現在康國器關鎮邦兩軍攻其東南距鎮城僅十餘里高連陞黃少春等軍並分布鎮城之北皆相距數十里是東南北三面已成長圍之勢惟鎮平西路西南路可通與甯長樂龍川閩軍尙難兼顧自係實在情形本月十三日已有旨令左宗棠馳赴粵境調遣三省之軍合力攻剿卽著左宗棠尅期進紮將江粵各軍應如何布置務臻周密之處相機妥辦迅奏膚功左宗棠起程以後閩省邊防事宜徐宗幹當隨時咨商左宗棠認真籌辦卓興一軍剿辦花旗股匪情形若何著瑞麟郭嵩燾嚴飭實力進剿迅圖撲滅以便騰出兵力合攻鎮平毋得曠日持久顧此失彼劉坤一孫長紱當恪遵疊次諭旨檄飭江省防軍進紮粵境合力圍攻鎮平以竟全功毋得徒事防守本境左宗棠另片奏王開琳等所部各營餉絀爭鬧情形軍營餉需刻不容緩江省於該軍應發之餉何以任意遲延直至該營滋鬧始行發給適開謀案之端孫長紱於此事辦理實屬不善嗣後新老湘營及樊雲慶所部各營餉銀著劉坤一等源源撥解毋令缺乏將此由六百里諭知左宗棠瑞麟徐宗幹劉坤一郭嵩燾並傳諭孫長紱知之欽此

浙省庫款支絀請免撥添協閩餉摺

同治四年七月二十二日

奏爲浙省庫款支絀添撥協濟閩餉懇

恩免撥恭摺仰祈

聖鑒事竊臣欽奉同治四年三月二

十八日

上諭官文所稱湖北每月協濟福建雲南貴州餉銀各一萬兩請卽停止以便專解甘肅其

滇黔閩三省軍餉請由附近之浙江四川勻撥一節滇黔之餉若照會國藩所擬將來自由川湘兩省

分任惟福建之餉能否專由浙省供支著左宗棠馬新貽酌定協撥之數迅速具奏以便卽照官文所請辦理欽此並准浙江撫臣馬新貽恭錄 諭旨咨商到臣當以湖北應協閩餉自奉 旨派撥之日

起未曾解過分釐現在閩省協餉僅祇浙省按月報解湖北從未協濟並無所謂改撥咨覆在案茲准馬新貽咨據浙江布政司蔣益澧會同軍需局司道詳稱湖北協濟閩餉既未解過閩省協餉惟藉浙江接濟此時浙省每月協解閩餉銀十四萬兩甘餉銀二萬兩已屬竭蹶萬分所有添撥湖北協濟閩餉銀每月一萬兩浙省實在無力籌措詳請奏懇免撥等情轉咨前來臣覆查無異相應請 旨俯准將湖北每月協濟閩餉銀一萬兩免歸浙省添撥以免貽誤謹會同浙江撫臣馬新貽合詞恭摺具奏伏乞

皇太后 皇上聖鑒謹 奏

軍機大臣奉 旨戶部速議具奏欽此

擊賊獲勝各軍分道進剿摺

同治四年七月三十日

奏爲官軍剿賊獲勝現飭各軍分道進剿恭摺馳奏仰祈 聖鑒事竊康國器一軍進駐鎮平東南高

思程官卑將石排坑藍坊南坑頭等處賊壘掃蕩後七月十三日汪逆海洋復率悍黨二萬餘分八路漫

山遍野而來康國器飭各營嚴陣以待汪逆以大隊屯踞各處山巔另挑悍賊萬餘直撲程官卑營壘營官林本熊應烈羅洪標馮南斌等督隊更番猛戰自辰至未殺賊二百數十名斬馘三十三級賊勢稍却

康國器復飭康熊飛率昭武兩營袁岳雲率德義一營橫截而出該逆分黨來拒康熊飛等麾軍痛擊斃悍賊三百餘名斬馘四十五級生擒僞神將祝雲等正酣戰間適吳光亮關鎮邦率所部分路抄截又斃悍賊二百餘名陣斬僞神將朱三元生擒僞先鋒游竹游諸生潘得壽等多名賊遂紛紛敗竄時已戌刻官軍乃收隊還十四日汪逆挑親隨悍黨數千卽賊中號稱標旗手者並僞奉王黃十四等逆衆萬餘傾巢來犯康國器料賊詭謀必虛攻程官卑待高思各軍出援卽圖襲後路當一面飭林本馮南斌率所部馳往程官卑助剿一面飭康熊飛吳光亮關鎮邦等嚴守營壘挑選銳卒伏於石灰崗烏泥嶺兩山之間伺賊竄入然後擊之辰刻汪逆果嗾胡瞎子何明亮等率衆分撲程官卑營壘勢甚洶湧林本馮南斌熊應烈羅洪標湯彪等屹立不動賊撲近官軍排槍轟擊斃賊甚多賊却復前者十餘次知官軍難撼汪逆乃令胡瞎子等牽制程官卑各營親率僞奉王黃十四僞王宗汪大力等二萬餘人逕撲高思官軍營壘康熊飛率隊登山迎敵佯退誘之迫賊入伏中吳光亮康熊飛關鎮邦等從兩邊山坳突出伏兵盡起槍礮如雨僞王宗汪大力中槍立斃僞奉王黃十四擊傷右腿墜馬落澗而遁官軍四圍縱擊陣斃僞參護汪得勝等悍賊六百餘名斬馘四百七十餘級奪驛馬四十餘匹槍礮旗幟千餘件賊大敗退上山巔汪逆痛哭上馬勒諸賊拚死回鬪康熊飛率昭武兩營擊其前吳光亮關鎮邦率飛虎德義兩軍抄其後槍礮齊施刀矛緊接鏖戰一時之久哨弁康達本身受槍傷猶裹創血戰賊漸不支康熊飛督隊猛進見汪

逆手執令旗往來趣戰卽調線槍隊指定轟擊槍子洞穿汪逆左手腕羣逆急昇之遁走賊隊大亂立斃悍賊四百餘名斬馘一百八十三級吳光亮關鎮邦又從兩路抄來賊愈喪膽墮崖落澗死者不下數千時林本馮南斌熊應烈羅洪標湯彪亦將胡瞎子何明亮兩逆擊敗斬賊四百餘名汪海洋胡瞎子等遂連夜遁回鎮平官軍沿路追殺至亥刻始行收隊計是役共陣斃悍賊二千餘名受傷者不計其數官軍陣亡四十五名受傷者二百三十四名是日張恆祥亦率隊至分水坳一帶察看地勢遇賊數百擊走十五日黃少春張恆祥復出隊至羅岡羣賊皆鼠伏不出此康國器一軍剿賊連獲勝仗之實在情形也竄粵餘逆惟汪海洋一股兇狡最著此次經康國器督軍剿敗殲斃悍賊甚多旬日以來伏匿不出兇醜頓衰屢據逃出賊供鎮平賊久思由武平竄江西因汪逆新被重創一時猝難遽竄_臣等以賊踞鎮平尙未竄動各軍自應以剿爲防步逼步進現劉典所派總兵劉明燈簡桂林副將張福齊等已抵武平_臣等卽飭高連陞黃少春兩軍由巖前中赤進駐廣福鄉以攻鎮平之北劉典所部填紮下壩盤龍岡爲各軍聲援兼顧江西其王德榜一軍則由上杭象洞相機前進以與高連陞黃少春康國器各軍互相聯絡粵軍能嚴扼鎮平西南不任賊蹤紛竄閩浙各軍由鎮平東路北路東南路節節逼剿而進自可漸合長圍以期聚殲惟頃據廣東藩司李福泰稟報長樂縣城又被花旗賊竄陷現催卓興鄭紹忠等軍往剿是該藩司前議先將花旗撲滅再集龍長之師會歸鎮平既勢有未能閩軍亦迫不及待而方耀鄧安邦兩軍

現雖駐鎮平之南距城尙遠亦未知能力扼西南否也所有此次康國器一軍越境剿賊以寡勝衆在事弁勇實屬奮勉異常可否由臣等查明擇尤請獎其力戰陣亡之把總區昌克復龍巖及永安解圍

計功應保守備應請

飭部照守備陣亡例議卹以慰忠魂理合恭摺馳奏伏乞

皇上聖鑒訓示

施行再此摺係

臣

宗棠主稿合併聲明謹

奏

軍機大臣

字寄閩浙總督一等恪靖伯左宗棠廣州將軍兼署兩廣總督瑞麟福建巡撫徐宗幹江西

巡撫劉坤一署廣東巡撫郭嵩燾傳諭暫護江西巡撫布政使孫長綬同治四年八月二十三日奉

上諭左宗棠等奏官軍剿賊獲勝現飭各軍分道進剿瑞麟等奏花旗股匪闖入長樂縣城官軍合力圍

攻各一摺覽奏均悉竄粵餘逆惟汪海洋一股兇狡最著此次經康國器督軍痛剿殲斃悍賊甚多汪逆

身受重創一時卒難達竄自應以剿爲防步步圍逼方能聚而殲旃左宗棠現飭令高連陞等進逼鎮平

之北令劉典王德榜等分屯要隘聯絡聲援惟鎮平西南一路必須粵軍嚴扼其衝而花旗股匪竄陷長

樂卓興等軍爲所牽綴僅餘方耀鄧安邦兩軍恐不足以遏賊奔突著瑞麟郭嵩燾督飭方耀等實力扼

守一面嚴飭卓興等將長樂縣城迅圖攻克殄滅花旗一股庶得早日合兵殲除汪逆席寶田婁雲慶等

軍前已有旨令其馳赴鎮平會剿卽著劉坤一孫長綬遵照前旨迅速調派毋得稍分畛域左宗棠前已

有旨令其馳赴鎮平督辦軍務廣東福建江西三省兵勇均歸節制卽著懷遵前旨迅速前進妥籌一切

如有不遵調遣及遲玩軍務者並著查明參奏以一事權康國器一軍越境剿賊以寡勝眾著准由左宗棠等查明出力員弁擇尤保奏力戰陣亡之把總區昌著照守備陣亡例議卹以慰忠魂長樂文武下落著瑞麟等查明具奏都司黃添元鄧奮鵬奉派馳援長樂輒因溪漲路阻未克迅速赴援以致被匪攻陷實屬咎無可辭黃添元鄧奮鵬均著卽行革職仍令隨營効力贖罪將此由六百里諭知左宗棠瑞麟徐宗幹劉坤一郭嵩燾並傳諭孫長絨知之欽此

請將救援不力之將備革職拏問片

同治四年七月二十日

再前署福建陸路提督林文察上年十一月初三日在漳州瑞香亭地方陣亡所有救援不力之營官已革副將惠壽遊擊許忠標賴正修守備許如龍曾奏參革職拏問在案茲查都司蔡茹守備許忠勝均當時率勇先潰參將顧飛熊紮營漳州東北渡頭黃坑當林文察戰歿時亦未實力救援並分去林文察遺存餉銀四千三百兩事後報稱添募壯勇四百名先後據林文察之叔候選知府林尊國前護漳州鎮總兵郭什春具稟前來相應請 旨將參將顧飛熊都司蔡茹守備許忠勝一併革職拏問以便歸案審

辦理合附片具奏伏乞

聖鑒謹

奏

軍機大臣奉

旨顧飛熊蔡茹許忠勝著一併革職拏問歸案審辦欽此

分路進剿大勝現籌辦理情形摺

同治四年八月十五日

奏爲各軍分路進剿克獲大勝現籌辦情形恭摺馳奏仰祈

聖鑒事竊康國器一軍進駐鎮平東

南高思程官卑擊賊獲勝後汪逆海洋伏匿鎮平不出時遣賊黨至分水坳一帶窺犯閩邊仍希由武平以竄江西劉典所部副將張福齊總兵劉明燈簡桂林等已抵武平進剿下壩嚴後路之防高連陞黃少春卽於七月二十四五等日陸續進紮鎮平北路廣福鄉羅岡道員張恆祥分撥三營與黃少春合紮高連陞等踰嶺下窺賊勢見賊於縣城東北路亭下修築堅壘外開長濠守禦甚固嶺路屈折隣甯不堪容趾旁徑如梳並非戰地而形勢險要在所必爭八月初一日高連陞飭親兵進紮分水坳中路魏光鵬朱體盛兩營紮於坳之左張志公一營紮於坳之右自率各營列隊坳外伺之該逆初伏不出午刻突出數千乘我營壘未就拚死來撲副將會光德等督隊馳擊斃賊甚多適黃少春率親兵馳至賊仍縮入卡內高連陞黃少春會商賊必猛撲新壘俟其逼近兩軍分左右縱擊乃可多殺卽就陣上指示所部將士令其屆時遵照布置相機應之初二日汪逆果親率悍黨數萬傾巢大出分三路直撲分水坳新壘高連陞飭魏光鵬張志公朱體盛等堅壁勿出靜以待之飭李士順率所部從右路錢桂仁率所部從左路曹光德率所部從中路迎擊高連陞自率親兵馬隊居中策應官軍奮威衝擊該逆不能抵禦紛紛敗走正磨軍乘勢掩殺間汪逆又嚇大前大左副後各賊由左路僞佑王李遠繼僞平東王何明亮僞奉王黃十四由右路翻山而下勢極兇湧將抄出分水坳各營之後高連陞飭曹光德穩扼中路抽親兵三哨及槍隊

分助左右兩路飭魏光祚分隊助守朱體盛營壘飭朱體盛督隊出壘迎擊甫戰十餘合朱體盛右臂忽被槍子洞穿參將黃北海急率槍隊橫出夾擊魏光祚錢桂仁亦督隊馳應賊不能支退上山巔時張恆祥所部副將李大有等亦正從左路來援見賊退聚山巔李大有率各勇擊之立斃悍賊多名其李士順在右路迎敵先已將賊擊敗旋因中路之賊漸趨右路愈聚愈多李士順持矛衝入賊中身受三傷勢幾不支適黃少春飭所部總兵劉端冕副將馬駿發高方吉遊擊謝復雲劉甫田已各率所部馳至黃少春復力疾督隊繼之各路如牆而進賊不能當祐逆李遠繼復逼諸賊回鬪劉甫田率親兵馳馬大呼陷陣左路忽出悍賊數十矛刺劉甫田戰馬立斃劉甫田奪矛衝殺劉端冕馬駿發謝復雲亦各下馬持矛與賊鏖戰擬保副將羅其泰擬保遊擊陳高華擬保都司唐有才周桂良副將譚同聲花翎守備盧起鳳羅得勝各挺矛刺殺數賊譚同聲盧起鳳身受重傷猶裹創血戰賊衆披靡奪路狂奔官軍追過山坡又爲高連陞各部所截賊攀崖越澗紛向城壘而竄汪逆見兩路之賊俱敗卽飛馬逃回鎮平曹光德率隊由中路追殺數里天晚始行收隊計是役轟斃戮斃悍賊約三千餘名生擒百數十名內有僞天將等賊目十餘名賊之自相蹂躪墮崖落澗死者不下數千奪旗幟槍礮千餘件官軍受傷陣亡者亦百餘名其康國器一軍於七月三十日進攻鎮平城東南九曲岌脚石古排賊壘甫抵該處逆賊率黨來拒康熊飛吳光亮林本關鎮邦等督各勇奮擊斃賊目二名賊黨五六十名勢稍却逆首胡瞎子率黨從九曲岌分三